

19 MAI
RUGACIUNEA
SF. CUVIOS
IGNATIE DE LA VOLOGDA

МОЛИТВА

О богомудрый пастырю и наставниче наш, преподобне отче Игнатие! услыши нас грешных, молящихся тебе и призывающих на помощь скорое предстательство твое. Виждь нас немощных, в толицех обстояниих сущих, отвсюду уловляемых, всякаго блага лишенных и умом от малодушия помраченных; потщися, угодниче Божий, не оставити нас в греховном плену быти, да не будем в радость врагом нашим и не умрем в лукавых деяниях наших. Моли Всемилостиваго Владыку, Господа Бога и Спаса нашего Иисуса Христа, Ему же ты со бесплотными лики предстоиши, да благословит и сохранит град наш и святую обитель сию в мире и тишине, нам же всем да подаст благодатию своею грехов оставление, жития исправление, недугов исцеление, от бед избавление, от искушений избытие и освобождение, в скорбех утешение, в нуждах благовременную помощь;

наипаче же в вере прспеяние, в надежде
утверждение, в любви возрастание, душ наших
спасение, яко и во временем сем житии и в
вечном Его царствии выну приносим Ему славу,
честь и поклонение со Безначальным Его Отцем
и Пресвятым и Благим и Животворящим Его
Духом, во веки веков. Аминь.